



Minggu, 09 Oktober 2022
Ogen: 1 Samuel 30:6



Ukur Si Tetap



Ukur si tetap” iperluken teptep wari. I bas kita ndalani kegeluhen lalap lit si man alanken. Subuk e si meriah entah si erbahansa ate ceda. Megati kal lit rusur kearun ate, kebiaren erkiteken lit na pinakit, entah ekonomi si surut, banci ka persoalen keluarga si la ersada arih, lagu langkah anak-anak si la bagi ukur ras sidebanna. Adi igambarkan ku bas persoalen e banci bagi angin kalingsungsi si nderpa kita, erpiu-piu lanai erturin. Banci ka pe turah kebiaren.

Persoalen si mekelek e pe inanami Daud, tupung ia itulak bangsa Pilistin si sedekah enda ia enggo ras tading i daerah Pilistin i rumah raja Akis. Kedungenna i eteh raja-raja Pilisti si deban maka Daud kalak Heber tading ras raja Akis. Isuruhna Raja Akis mpelawes Daud bas rumahna nari sabap lit kearun atena maka banci pagu Daud jadi musuhna, banci ia jadi mata-mata man bangsa Israel, tupung kalak Pilisti lemah i je iserangna bangsa e. Erkiteken kearun sienda dungna ipelawer Raja Akis Daud mulih ku kutana.

Dua wari Daud ras teman-temanna seh Siklak daerah Juda Seltan, enggo kepe irampok kalak amalek kuta e ras kerina anak-anak ras ndeharana anak kuta e sada pe la lit tading i baba kalak Amalek kerinana. Kita Siklak pe kerinana itutung kalak Amalek. Ceda kal ate Daud natap kecibal kuta e ras kerina anak kutana. Tambah si e teman-teman Daud pe rate segat man bana sabap anak ras ndeharana kerina enggo bene. Perbeben si mberat kal e man Daud. Kecibal pusuh si sangana erbebe enda ieteh Tuhan, janah la pediatna Daud e kelsehen. Ipetetapna ukur Daud, gelah ula erndeale ate. I bas percakapen Daud ras Tuhan, datna serpang pulah. Tuhan nampati Daud, ngayaki perampok kalak Amalek e. Kenca ijumpasa, iserangna ras ibunuhina kerina perampok e, e maka ibabana mulih anak-anak ras ndehara-ndehara si itaban bangsa Amalek e. La lit sada pe si tading kerina mulih ku kutana alu mejuah-juah. Tuhan nampati kalak si erlebuh man bana.

Adi ras Tuhan perbeben si mberat jadi menahang